

**Pembangkok Dakwa Presiden JMM Ejen Beli Wakil Rakyat
Star Online
Jun 21, 2012
Oleh ARIFFUDDIN ISHAK**

KUALA LUMPUR: Pembangkang pada Khamis meneruskan siri pendedahan 'pembelian' wakil rakyat mereka apabila kali ini mengaitkan Presiden Jaringan Melayu Malaysia (JMM), Azwanddin Hamzah terlibat dalam proses rundingan berkenaan.

Ahli Parlimen Shah Alam, Khalid Abdul Samad menerusi sidang media di bangunan Parlimen menamakan Azwanddin sebagai ejen yang bertanggungjawab dalam proses tawar-menawar terhadap wakil rakyat pembangkang.

"Hari ini saya dedahkan bahawa Azwanddin adalah salah seorang ejen untuk membeli wakil rakyat pembangkang khususnya membabitkan wakil rakyat PKR.

"Kita mahu beliau keluaran kenyataan sama ada untuk menafikan atau sebaliknya," katanya di sini.

Menerusi sidang media itu Khalid menayangkan klip video berdurasi hampir lima minit dirakamkan di sebuah restoran di Klang menunjukkan Azwanddin dan empat yang lain sedang berbincang mengenai proses pembelian itu.

Sebelum ini Khalid menamakan bekas Ketua Pemuda Parti Keadilan Rakyat (PKR), Kedah Zamil Ibrahim sebagai individu kedua selain Azwanddin terlibat dalam proses rundingan terbabit.

Hakcipta Terpelihara © 1995-2012 Star Publications (Malaysia) Bhd

Source:

http://mstar.com.my/berita/cerita.asp?file=/2012/6/21/mstar_berita/20120621162601&sec=mstar_berita